

Vettlingar með færeysku blómamynstri (Blóman)



Garn: Hjerte sock 4 (fæst í Álafoss) eða Arwetta Classic (fæst í Garnbúð Gauju) 1 dokka af hvorum lit

Sokkaprjónar nr. 2-2,5

Prjónfesta: 35 lykkjur = 10 cm


Aðferð:

Fitjið upp 64 lykkjur á prjóna nr. 2-2,5 með munsturlit. Prjónið stroff, 2 slétt og 2 brugðið, alls 35 umf. (eða eins langt og þið viljið hafa stroffið). Aukið út um 6 lykkjur þegar stroffi lýkur og eru þá 70 lykkjur á prjónunum. Prjónið munstur eftir teikningu. Ath. gráa svæðið sýnir hvar þumallinn er staðsettur á hægri hendi (víxla verður staðsetningu þumals fyrir vinstri hendi, sjá rauða línu á teikningu), prjónið þumal og aukið út eins og sýnt er á teikningu. Þegar útaukningu á þumli er lokið setjið lykkjurnar 19 á hjálparband/nælu og fitjið upp 7 nýjar lykkjur í stað þeirra sem duttu út. Klárið munstur á vettlingi skv. teikningu.


Þumall:

Setjið lykkjurnar af hjálparbandinu á prjóna og takið upp 7 lykkjur til viðbótar, samtals 26 lykkjur á þumli. Prjónið þumal skv. teikningu.

Framhlið



Bakhlið



Þumall

